



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 15. Connubium Ladislai Poloniæ Regis.

[urn:nbn:de:hbz:466:1-66272](#)

Sæcul. XV
A.C. 1417

piscopatum promovebat, ea tamen legē, ut si primo confirmatus vita excederet, Bajonense Capitulum ad novam electionem non procederet; ita enim cum Arragoniae Rege conventum erat. Tertio decreto incolis Marchiæ Anconitanæ præcipiebatur, Angelo Corario olim Gregorio XII. tanquam vero ejus Legato obedientiam præstarent. Quartum denique successores substituit Commissariis ad caffas fidei in Bohemia deputatis, vel mortuis vel officio defunctis. Ante Sessionis finem recitata est Poloniæ Regis, & Ducis Lithuaniae epistola per Gnesnensem Archiepiscopum allata, in qua ambo Principes Synodo significant, se nihil eorum non egisse, quibus firma pax cum Ordine Teutonico revocaretur, Equites vero conditiones cunctas, easque honestissimas respuisse, ideoque si Poloni jure defensionis propriæ ad arma descensuri essent, Equitum ipsorum id culpæ fore.

§. XV.'

Connubium Ladislai Poloniæ Regis.

Dlugoff. lib. 12. p. 374.
379. Anno Salvatoris millesimo quadringentesimo decimo sexto die vigesima prima Martii Anna Regina, Comitis Cilleensis Filia, secunda Ladislai Jagellonis Poloniæ Regis conjux, Cracoviæ e vita dece-

decesserat; hoc autem anno prima Maji Sæcul. XV.
die Rex duxit Elisabetham de Piltzia fi- A. C. 1417.
liam Castellani, seu Vice-Regis Poloniæ.
Illa vidua erat tertio orbata marito, se-
nix, infirma, ac prolibus relictis abun-
dans. Irrito prorsus conatu Regis Consi-
liarii Ladislao exponebant, ejusmodi nu-
ptias tanto Rege non minus indignas,
quam regno pernicioſas esse, a proposi-
to tamen illum dimovere haud poterant.
Ceterum neo-assumptam Reginam coro-
nandi jus Primatis Poloniæ dignitas Ar-
chiepiscopo Gnesnensi afferebat, absentis
tamen vices supplevit Archipræſul Leo-
poldiensis. Verum Gnesnensis veritus,
ne id Primatui suo præjudicio effet, jus
suum per Synodi decretum confirmari
petiit, obtinuitque.

§. XVI.

Hussitarum furor in Bohemia.

Hussitæ accepto Hieronymi Pragensis *Boles. Balb.*
supplicii nuncio, indomitis impoten- p. 459.
tibusque furiis vehementius agitati, om-
nia ferro flammaque devastant, Sacerdo-
tes trucidant, diripiunt Ecclesiæ, atque
incendiis delent, Verbo, omnia fus deque
vertunt; illi etiam, qui ceteris scientia
prævalere videbantur, sectæ suæ formu-
lam concinnant, in qua summum Ponti-
ficem aliis Episcopis æquiparant; purga-
torium